

七十二家集

魏文帝集目錄

明海濱逸史張燾纂

卷之一

賦

浮淮賦

有序

滄海賦

濟川賦

臨渦賦

有序

述征賦

校獵賦

又 又

登臺賦

有序

登城賦

感物賦

有序

感離賦

有序

離居賦

戒盈賦

有序

永思賦

悼天賦

有序

寡婦賦有序

出婦賦

愁霖賦

喜霽賦

彈碁賦

又

瑪瑙勒賦有序

車渠椀賦有序

迷迭賦有序

玉玦賦

魏賦有序

鶯賦有序

卷之二

樂府

短歌行

秋胡行二首

善哉行二首

丹霞蔽日行

煌煌京洛行

鉤竿行

十五

猛虎行

善哉行

同前

折楊柳行

燕歌行二首

臨高臺

陌上桑

秋胡行

上得田行

大牆上蒿行

豔歌何嘗行

月重輪行

詩

黎陽作三首

於譙作

孟津

芙蓉池作

於玄武陂作

至廣陵於馬上作

襍詩一首

於明津作

清河作

代劉勳妻王氏襍詩一首

有序

黎陽作



寡婦有序

飲馬長城窟行

校獵

見撫船士兄弟辭別詩

卷之三

詔

定正朔詔

追崇孔子詔

爲漢帝置守塚詔

息兵詔

災異免策三公詔

拜日東郊詔

禁母后預政詔

改封諸王爲縣王詔

鵜鴈集靈芝池詔

取士不限年詔

輕刑詔

平准詔

禁復讎詔

禁淫祀詔

罷墓祭詔

外國遣使奉獻詔

營壽陵詔

與群臣詔四首

卷之四

詔

下潁川詔

增封中牟侯彰詔

答臨淄侯植詔

答北海王褒詔

待楊彪客禮詔

賜華歆詔

論孫權詔

孫權與浩周書二首附詔

以陳群爲鎮軍司馬懿爲撫軍詔

詔王朗等三公

與王朗詔

報王朗詔

答蔣濟詔

與夏侯尚詔

報何夔詔

與于禁詔

于禁復官詔

追贈夏侯尚詔

封朱靈歆侯詔

與張邵詔

答孟達詔

手報司馬芝詔

封張遼李典子爲關內侯詔

以李通子基爲中郎將詔

賜張旣子翕歸爲關內侯詔

賜溫恢子生爵關內侯詔

以張登爲大官令詔

卷之五

令

向化手令

答許芝上代漢圖識令

太史丞許芝上代漢圖識附

答辛毗等令

侍中辛毗等上書論圖識附

答司馬懿等令

司馬懿等上書論圖識附

答劉廙劉曄等令

劉廙劉曄等上言圖議附

左中郎將李伏陳符瑞表附

讓禪令

清苑侯劉若等上書勸進附

讓禪第二令

輔國將軍等勸進附

讓禪第三令

卷之六

令



答劉廙等令

劉廙等勸進附

答蘇林等令

蘇林等表附

答華歆等令

華歆等勸進附

又答相國歆等令

相國歆等又勸進附

薄稅令

復樵祖滢令

以鄭稱爲武德轉令

廣詢令

問雍州刺史張旣令

張旣答魏王附

卷之七

策

追封鄧公策

謚龐德策

策孫權九錫文

以孫登爲東中郎封侯策

教

答卞蘭教

卞蘭贊述太子表附

卞蘭贊述太子賦附

表

讓禪表

漢帝禪詔附

讓禪第二表

漢詔附

讓禪第三表

漢詔附

又漢帝答詔附

又尚書令桓階等奏登壇日期附

卷之八

書

與吳質書

又與吳質書

吳質答魏太子牋附

又與吳質書

吳質答魏王丕牋附

與鍾繇謝王琬書

鍾繇報太子書附

與鍾繇五熟金書

與鍾繇九日送菊書

與鍾繇書

答鍾離書

鍾離答太子書附

答繁欽書

繁欽與太子殿附

啁劉楨書

劉楨答太子書附

答友人書

與吳監書

與羣臣論蜀錦書

與群臣論被服書

與朝臣論稅稻書

卷之九

書

報崔琰書

崔琰諫太子書附

與曹洪書

曹洪與世子書附

與王朗書五首

與劉暉書

與諸將書

報吳王孫權書四首

與孟達書二首

卷之十

序

典論自序

繁欽集序

陳琳集序



論

典論論文

典論論方術

周成漢昭論

漢文帝論

漢武帝論

交友論

議

田疇辭封議

連珠

連珠三首

銘

露陌刀銘

賜鍾繇五熟金銘

文

卽位告天文

哀策文

武帝哀策文

誄

弟蒼舒誄

附錄

魏文帝紀

晉陳壽

答五官中郎將書

魏劉廙

與世子書

魏王朗

公讌詩

魏劉楨

贈五官中郎將四首

魏劉楨

公讌詩

魏王粲

公讌詩

魏應瑒

侍五官中郎將建章學堂

魏應瑒

公讌詩

魏阮瑀

思慕文帝詩

魏吳質

遺事

集評

魏文帝集卷之一

魏文帝曹丕子桓著

賦

浮淮賦 有序

建安十四年王師自譙東征大興水軍汎舟萬  
艘時予從行始入淮口行沿東山覩師徒觀旌  
帆赫哉盛矣雖孝武盛唐之狩舳艫千里殆不  
過也乃作斯賦云

泝淮水而南邁兮汎洪濤之湟波仰崑岡之崇

阻分經東山之曲阿浮飛舟之萬艘今建干將  
之鉞戈揚雲旗之繽紛今聆榜人之譟譟乃撞  
金鐘爰伐雷鼓白旄冲天黃鉞扈扈武將奮發  
驍騎赫怒於是驚風汎涌波駭衆帆張群櫂起  
爭先逐進莫適相待

滄海賦

美百川之獨宗壯滄海之威神經於桑而遐遊  
跨天崖而託身驚濤暴駭騰踴澎湃舒隱漣  
涌沸凌邁於是鼉鼉漸離汎濫滢遊鴻鸞孔鵠  
哀鳴相求揚鱗濯翼載沈載浮仰啜芳芝俛漱  
清流巨魚橫奔厥勢吞舟爾乃鈞大貝採明珠  
舉懸黎收武夫窺大麓之潛林覩搖木之羅生  
上蹇產以交錯下來風之泠泠振綠葉以歲蕤  
吐芬葩而揚榮

濟川賦

臨濟川之層淮覽洪波之容裔潏騰揚以相薄  
激長風而亟逝漫浩汗而難測渺不覩其垠際  
於是龜龍神嬉鴻鸞群翔鱗介霍驛載止載行  
俯唼菁藻仰餐若芳永號長吟延首相望美玉  
昭晰以曜暉明珠灼灼而流光於是遊覽旣猷  
日亦西傾朱旗電曜擊鼓雷鳴長驅風厲悠爾  
北征思魏都以偃息託華屋而遨遊酌玄清于  
金甕騰羽觴以獻酬



臨渦賦

建安八年至譙余兄弟從上拜墳墓遂乘馬遊  
觀經東園遵渦水相侔乎高樹之下駐馬書鞭  
作臨渦之賦曰

蔭高樹兮臨曲渦微風起兮水增波魚頡頏兮  
鳥逶迤雌雄鳴兮聲相和萍藻生兮散莖柯春  
水繁兮發丹華

述征賦

建安十三年荆楚傲而弗臣命元司以簡旅予  
願奮武乎南鄴伐靈鼓之礪隱兮建長旗之飄  
颻躍甲卒之皓肝兮馳萬騎之瀏瀏揚凱悌之  
豐惠兮仰乾威之靈武伊皇衢之遐通兮維天  
網之畢舉經南野之舊都聊弭節而容與遵往  
初之舊迹順歸風以長邁鎮江漢之遺民靜南  
畿之遐裔

校獵賦

披高門而方軌邁夷途而直駕長鑣糾電飛旗  
拂天部曲按列什伍相連峙如叢林動若崩山  
超崇岸之曾崖厲障澁之雙川列翠星陳戎車  
方轂風迴雲轉埃連飈屬雷響震天地譟聲蕩  
山岳躡躡封狶籍塵鹿梢飛鳶接鸞鷟聚者成  
丘陵散者填溪谷流血赫其丹野羽毛紛其翳  
日考功効績斑賜有叙授甘包飛酌清醕割  
鮮野享舉爵鳴鼓鑾輿促節騁轡迴翔望雀臺

而增舉涉幽澁之花梁

又

拖冲天之素旄兮靡格澤之脩旃雄戟趙音而  
躍厲兮黃鉞危而揚鮮

又

千乘亂擾萬騎奔走經營原隰騰越峻阻彤弓  
斯發戈鋌且舉

登臺賦

建安十七年春遊西園登銅雀臺命余兄弟並作其詞曰

登高臺以騁望好靈崔之麗竊飛閣屈其特起  
層樓儼以承天步逍遙以容與聊遊目於西山  
溪谷紆以交錯草木鬱其相連風飄颻而吹衣  
鳥飛鳴而過前申躊躇以周覽臨城隅之通川

登城賦

孟春之月惟歲權輿和風初暢有穆其舒駕言  
東道陟彼城樓迢遙遠望乃欣以娛平原博敞  
中田闢除嘉麥被壘綠路帶衢流莖散葉列倚  
欄扶水幡幡其長流魚裔裔而東馳風飄飄而  
旣臻日掩夢而鹵移望舊館而言旋求優游而  
無爲

感物賦

喪亂以來天下城郭丘墟惟從太僕君宅尚在  
南征荊州還過鄉里舍焉乃種諸蔗于中庭涉  
夏歷秋先盛後衰悟興廢之無常慨然永歎乃  
作斯賦

伊陽春之散節悟乾坤之交靈瞻玄雲之蒼鬱  
仰沈陰之杳冥降甘雨之豐霈垂長溜之泠泠  
掘中堂而爲圃植諸蔗于前庭涉炎夏而旣盛  
迄凜秋而將衰豈在斯之獨然信人物其有之

感離賦

有序

建安十六年上西征余居守老母諸弟皆從不  
勝思慕乃作賦曰

秋風動今天氣涼居常不快今中心傷出北園  
今彷徨望衆墓今成行柯條惜今無色綠草變  
今萎黃感微霜今零落隨風雨今飛揚日薄暮  
今無悵思不衰今愈多招延佇今良久忽踟躕  
今忘家



離居賦

惟離居之可悲廓獨處於空牀愁耿耿而不寐  
歷冬夜之悠長驚風厲於闔闔忽增激於中房  
動惟裳之晻曖彼明燭之無光

戒盈賦

有序

避暑東閣延賓高會酒酣樂作悵然懷盈滿之  
戒乃作斯賦

惟應龍之將舉飛雲降而下征資物類之相感  
信貫微之通靈何今日之延賓君子紛其集庭  
信臨高而增懼獨處滿而懷愁願群士之箴規  
博納我以良謀

永思賦

仰北辰而永思  
泝悲風以增傷  
哀遐路之漫漫  
痛長河之無梁  
願託乘於浮雲  
嗟逝速之難當

悼天賦

有序

族弟文仲亡時年十一母氏傷其夭逝追悼無已余以宗族之愛乃作斯賦

氣紆結以填膺不知涕之縱橫時徘徊於舊處  
視靈衣之在牀感遺物之如故痛爾身之獨亡  
愁端坐而無聊心慼慼而不寧步廣廈而踟躕  
覽萱草於中庭悲風蕭其夜起秋氣潛以厲情  
仰瞻天而太息聞別鳥之哀鳴

寡婦賦

有序

陳留阮元瑜早亡每感存其遺孤未嘗不愴然  
傷心故作斯賦

惟生民兮艱危於孤寡兮常悲人皆處兮歡樂  
我獨怨兮無依撫遺孤兮太息俛哀傷兮告誰  
三辰周兮遞照寒暑運兮代臻歷夏日兮苦長  
涉秋夜兮漫漫微霜墮兮集庭燕雀飛兮吾前  
去秋兮就冬改節兮時寒水凝兮成冰雪落兮  
翻翻傷薄命兮寡獨內惆悵兮自憐

出婦賦

念在昔之思好似比翼之相親惟方今之疏絕  
若驚風之吹塵夫色衰而愛絕信古今其有之  
傷乳獨之無恃恨胤嗣之不滋耳沒身而同穴  
終百年之常期信無子而應出自典禮之常度  
悲谷風之不答怨昔人之忽故被入門之初服  
出登車而就路遵長塗而南邁馬躊躇而廻顧  
野鳥翩而高飛愴哀鳴而相慕撫駢服而展節  
卽臨沂之舊城踐麋鹿之曲蹊聽百鳥之群鳴

情悵悵而願望心鬱結其不平

愁霖賦

脂余車而秣馬將言旋乎鄴都玄雲黯其四塞  
雨濛濛而襲予塗漸洳以沈滯潦淫衍而橫流  
豈在余之憚勞哀行旅之艱難仰皇天而太息  
悲白日之不暘思若水以照路假龍燭之末光



喜霽賦

乃命駕而言歸。啟吉日而北巡。厭群萌之至願。  
感上下之明神。密雲興之袂北。甘雨降以灑塵。  
旣灑塵而爲塗。惟平路之未晞。激清風以漂漚。  
發皎日之陽暉。振余策而長驅。忽臨食而忘饑。

彈碁賦

惟彈碁之嘉巧邈超絕其無儔苞上智之弘略  
允貴微而洞幽局則荆山妙璞發藻揚輝豐腹  
高隆庠根四頽平如砥礪滑若柔夷碁則玄木  
北幹素樹西枝洪纖若一條短無差象籌列植  
一據雙螭滑石霧散雲布四垂然後直扣先縱  
二八次舉緣邊間造長邪迭取爾乃詳觀夫變  
化之理屈伸之形聯翩霍繹展轉盤縈或暇豫  
安存或窮困側傾或接黨連興或孤據偏停于

時觀者莫不虛心竦踊咸側息而延佇或雷抃  
以大噪或戰悸而不能語

又

文石爲局金碧齊精隆中夷外理綴麗罕

瑪瑙勒賦

有序

瑪瑙玉屬也出自西域文理交錯有似馬腦故其方人因以名之或以繫頸或以飾勒余有斯勒美而賦之命陳琳王粲竝作辭曰

有奇章之珍物寄中山之崇岡稟金德之靈施含白虎之華章扇朔方之玄氣喜南離之焱陽歛中區之黃采曜東夏之純蒼苞五色之明麗配皎日之流光命夫良工是剖是鐫追形逐好從宜索便乃加砥礪刻方爲圓沈光內灼浮景

外鮮繁文縹藻交承接連嘉鏤錫之盛美感戎  
馬之首飾闢茲物之攸宜信君子之所服爾乃

藉彼朱剡華勒用成駢居列時煥若羅星

北堂  
誤載

數語蒙作陰琳今  
合漢文鄉覽正之

車渠枕賦

右序

車渠玉屬也多織理縉文生于西國其俗寶之  
惟二儀之普育何萬物之殊形料珍怪之上美  
無茲枕之獨靈苞華文之光麗發符采而揚榮  
理交錯以連屬似將離而後并或若朝雲浮高  
山忽似飛鳥厲蒼天夫其方者如矩圓者如規  
稠希不謬洪纖有宜

迷迭賦

有序

余種迷迭於中庭嘉其楊條吐香馥有令芳乃爲之賦

坐中堂以遊觀兮覽芳草之樹庭重妙葉千纖  
枝兮揚脩幹而結莖承靈露以潤根兮嘉日月  
而敷榮隨廻風以搖動兮吐芳氣之穆清薄西  
夷之穢俗兮越萬里而來征豈衆卉之足方兮  
信希世而特生

玉玦賦

有崑山之妙璞產曾城之峻崖嗽丹水之炎波  
蔭瑤樹之玄枝包黃中之純氣抱虛靜而無爲  
應九惠之淑懿體五材之表儀



柳賦  
有序

昔建安五年上與袁紹戰於官渡時余始植斯  
柳自彼迄今十有五載矣感物傷懷乃作斯賦  
曰

伊中域之偉木兮瑰姿妙其可珍  
稟靈祇之篤施兮與造化乎相因  
四時邁而代運兮去冬節而涉春  
彼庶卉之未動兮固肇萌而先辰  
盛德遷而南移兮星鳥正而司分  
應隆時而繁育兮揚翠葉之青純  
脩幹偃蹇以虹指兮柔條阿那

而馳伸上扶疎而施散兮下交錯而龍鱗在余  
年之二七植斯柳乎中庭始圍寸而高尺今連  
拱而九成嗟日月之逝邁忽疊疊以邁征昔周  
遊而處此今倏忽而弗形感遺物而懷故俛惆  
悵以傷情於是曜靈次乎鵠首兮景風扇而增  
煖豐弘陰而博覆兮躬愷悌而弗倦四馬望而  
傾蓋兮行旅仰而廻睠秉至德而不伐兮豈簡  
卑而擇賤含精靈而寄生兮保休體之豐衍惟  
尺斷而能植兮信永貞而可羨

槐賦

有序

文昌殿中槐樹盛暑之時余數遊其下美而賦  
之王粲直登賢門小閣外亦有槐樹乃就使賦  
曰

有大邦之美樹惟令質之可嘉託靈根於豐壤  
被日月之光華周長廊而開趾夾通門而駢羅  
承文昌之邃宇望迎風之曲阿脩幹紛其濯錯  
綠葉萋而重陰上幽藹而雲覆下莖立而擢心  
伊暮春之旣替卽首夏之初期鴻鴈遊而送節

凱風翔而迎時天清和而溫潤氣恬淡以安治  
遘隆暑而適體誰謂此之不怡

鶯賦 有序

堂前有籠鶯晨夜哀鳴悽若有悽憊而賦之曰  
怨羅人之我困痛密網而在身願窮愁而無告  
知時命之將泯升華堂而進御奉明后之威神  
唯今日之僥倖得去死而就生託幽籠以栖息  
厲清風而哀鳴

魏文帝集卷之二

魏文帝曹丕子桓著

樂府

短歌行

魏氏遺令使節朔奏樂魏文製此辭自撫箏和歌歌者云貴官彈箏貴卽魏文

仰瞻帷幕俯察几筵其物如故其人不存一解神

靈倏忽棄我遐遷靡瞻靡恃泣涕連連二解呦呦

遊鹿銜草鳴麇翩翩飛鳥挾子巢棲三解我獨孤

乳懷此百離憂心孔疚莫我能知四解人亦有言

憂令人老嗟我白髮生一何早

五解

長吟永歎懷

我聖老曰仁者壽胡不是保

六解

秋胡行二首

第一首一作歌魏德第二首一作浮萍篇

堯任舜禹當復何爲百獸率舞鳳凰來儀得人則安失人則危唯賢知賢人不易知歌以詠言誠不易移鳴條之役萬舉必全明德通靈降福自天

汎汎綠池中有浮萍寄身流波隨風靡傾芙蓉含芳菡萏垂榮朝采其實夕佩其英采之遺誰

所思在庭雙魚比目鴛鴦交頸有美一人婉如

清揚知音識曲善為樂方

有美四句又見善哉行

善哉行二首

上山採薇薄暮苦饑谿谷多風霜露沾衣

一野解

雉群雊猿猴相追還望故鄉鬱何壘壘

二高山解

有崖林木有枝憂來有方人莫之知

三人生如解

寄多憂何為今我不樂歲

一作日

月如

宋書作其馬解

湯湯川流中有行舟隨波轉薄有似客遊

策解

我良馬被我輕裘載馳載驅聊以忘憂

六解



有美一人婉如青揚妍姿巧笑和媚心腸知音  
識曲善爲樂方哀絃微妙清氣含芳流鄭激楚  
度宮中商感心動耳綺麗難忘離鳥夕宿在彼  
中洲延頸鼓翼悲鳴相求眷然顧之使我心愁  
嗟爾昔人何以忘憂

丹霞蔽日行

丹霞蔽日采虹垂天谷水潺潺水落翩翩孤禽  
失群悲鳴雲間月盈則冲華不再繁古來有之

嗟哉何言

明帝步出夏門行  
中八句與此同

煌煌京洛行

天天國號無子空長虛美難假飾輪不行

一解淮

陰五刑爲盡弓藏保身全名獨有十房大憤不

收褒衣無帶多言寡誠祇令事敗

二解

蘇秦之說

六國以亡傾側賣主專裂固當贊矣陳軫忠而

有謀楚懷不從禍卒不收

三解

禍夫吳起智小謀

大西河何健伏尸何劣

四解

嗟彼郭生古之雅人

智矣燕昭可謂得臣我我仲連齊之高士北辭

千金東蹈滄海

五解

○右一曲  
晉樂所奏

釣竿行

東越河濟水遙望大海涯  
釣竿何珊珊魚尾何  
綖綖行路之好者芳餌欲何爲

十五

登山而遠望谿谷多所有  
梗櫓千餘尺衆草芝  
盛茂華葉耀人目五色難可紀  
雉雒山鷄鳴虎  
嘯谷風起號熊當我道狂顧動牙齒

猛虎行

與君構新歡託配於二儀竟列十紫微升降焉  
可知梧桐攀鳳翼雲雨散洪池

善哉行

物學記載第一解  
題云於講堂作

朝日樂相樂酣飲不知醉悲絃激新聲長笛吐  
清氣一解絃歌感人腸四坐皆歡悅寥寥高堂上

涼風入我室

二解

持滿如不盈有德者能卒君子

多苦心所愁不但一

三解

慊慊下白屋吐握不可

失衆賓飽滿歸主人苦不悉

四解

比翼翔雲漢羅

者安所羈冲靜得自然榮華何足爲

五解

同前

藝文作銅雀園詩

朝遊高臺觀夕宴華池陰大酋奉甘醪狩人獻

嘉禽

一解

齊倡發東舞秦箏奏西音有客從南來

爲我彈清琴

二解

五音紛繁會拊者激徵吟淫魚

乘波聽踴躍自浮沈

三解

飛鳥翻翔舞悲鳴集北

林樂極哀情來寥亮摧肝心

四解

清角豈不妙德

薄所不任大哉子野言弭絃且自禁

五解

折楊柳行

藝文作遊仙詩古樂府作長歌行

西山亦

一本作一

何高高高殊無極上有兩仙僮不

飲亦不食與我一丸藥光耀有五色

解一服藥四

五日身體生羽翼輕舉乘浮雲倏忽行萬億流

覽觀四海茫茫非所識

解二彭祖稱七百悠悠安

可原老聃適西戎于今竟不還王喬假虛辭赤

松垂空言

解三

達人識真僞愚夫好妄傳追念往

古事憤憤千萬端百家多迂怪聖道我所觀

解四

### 燕歌行二首

秋風蕭瑟天氣涼草木搖落露為霜群燕辭歸

鴈南翔念君客遊思斷腸慊慊思歸戀故鄉君

何淹留寄他方賤妾皤皤守空房憂來思君不敢忘不覺淚下沾衣裳援琴鳴絃發清商短歌微吟不能長明月皎皎照我牀星漢西流夜未央牽牛織女遙相望爾獨何辜限河梁

別日何易會日難山川悠遠路漫漫鬱陶思君

未敢言寄書

一作聲

浮雲往不還涕零雨面毀形

一作容

顏誰能懷憂獨不歎展詩清高聊自寬樂

往哀來摧心

一作肺

肝耿耿伏枕不能眠披衣出

戶步東西悲風清厲秋氣寒羅幃徐動經秦軒

仰戴

一作看

星月觀雲間飛鳥

一作

晨鳴聲可憐

留連顧懷不自

一作能

存

此首文互異者

並以宋書為正

臨高臺

臨臺行高高以軒下有水清且寒中有黃鸝往

且翻

行為臣當盡忠願今

一作

皇帝陛下三

千歲宜居此宮

鵲欲南遊雌不能隨我欲舉

衡汝口噤不能開欲負之毛衣摧頽五里一顧

六里徘徊

此曲三段辭不相屬鵲欲南遊以下乃古辭飛鵲行也

陌上桑



棄故鄉離室宅遠從軍旅萬里客披荊棘求阡  
陌側足獨窘步路局狹虎豹嗥動鷄鶩禽失群  
鳴相索登南山來何踟盤石樹木叢生鬱差錯  
寢高草蔭松柏濕漉雨面霑枕席伴旅單稍稍  
日零落惆悵竊自憐相痛惜

秋胡行人期

一作佳

朝與佳人期日夕殊不來嘉肴不嘗旨酒停杯  
寄言飛鳥告余不能俯折蘭英仰結桂枝佳人  
不在結之何爲從爾何所之乃在大海隅靈若

道言貽爾明珠企予望之步立踟躕佳人不來  
何得斯湏

上留田行

居世一何不同上留田富人食稻與梁上留田  
貧子食糟與糠上留田貧賤亦何傷上留田祿  
命懸在蒼天上留田今爾歎息將欲誰怨上留  
田

大牆上蒿行

陽春無不長成草木群類隨大風起零落若何

翩翩中心獨立一何乳四時舍我驅馳今我隱  
約欲何爲人生居天壤間忽如飛鳥棲枯枝我  
今隱約欲何爲適君身體所服何不恣君口腹  
所嘗冬被貂麕溫暖夏當服絺羅輕涼行力自  
苦我將欲何爲不及君少壯之時乘堅車策肥  
馬良上有滄浪之天今我難得久來視下有躑  
躑之地今我難得久來履何不恣意遨遊從君  
所喜帶我寶劍今爾何爲自低卽悲麗平壯觀  
白如積雪利如秋霜駸犀標首玉琢中央帝王

所服辟除凶殃御左右奈何致福祥吳之辭也  
越之步光楚之龍泉韓有墨陽苗山之銀羊頭  
之鋼知名前代咸自謂麗且美曾不知君劍良  
綺難忘冠青雲之崔嵬纖羅爲纓飾以翠翰旣  
美且輕表容儀俯仰垂光榮宋之章甫齊之高  
冠亦自謂美蓋何足觀排金鋪坐玉堂風塵不  
起天氣清涼奏桓瑟舞趙倡文娥長歌聲協宮  
商感心動耳蕩氣回腸酌桂酒鱸鯪鮓與佳人  
期爲樂康前奉玉卮爲我行觴今日樂不可忘

樂未央爲樂常苦遲歲月逝忽若飛何爲自苦  
使我心悲

艷歌何嘗行

宋書作古辭  
樂府作文帝

何嘗快獨無憂但當飲醇酒炙肥牛一解長兄爲

二千石中兄被貂裘

二解

小弟雖無官爵鞍馬馭

馭往來王侯長者遊

三解

但當在王侯殿上快獨

樗蒲六博對坐彈棋

四解

男兒居世各當努力賊

迫日暮殊不久留

五解

少小相觸抵寒苦常相隨

忿恚安足諍吾中道與卿共別離約身奉事君

禮節不可虧上慚滄浪之天下願黃口小兒  
何復老心皇皇獨悲誰能知少小下爲  
趨前爲艷

月重輪行

三辰垂光照臨四海煥哉何煌煌悠悠與天地  
久長愚見目前聖親萬年明闇相絕何可勝言

詩

黎陽作三首

朝發鄴城夕宿韓陵霖雨載塗輿人困竄載馳  
載驅冰雨櫛風舍我高殿何爲泥中在昔周武  
爰暨公旦載主南征救民塗炭彼此一時唯天  
所讚我獨何人能不靖亂

殷殷其雷濛濛其雨我徒我車涉此艱阻遵彼  
洄淵言刈其楚班之中路塗潦是御麟麟大車  
載低載昂嗷嗷僕夫載什載僵蒙塗冒雨沾衣

濡裳

千騎隨風靡萬騎正龍驤金鼓震上下千戚紛  
縱橫白旄若素霓丹旗發朱光追思太王德胥  
宇識足臧經歷萬歲林行行到黎陽

於譙作

清夜延貴客明燭發高光豐膳漫星陳旨酒盈  
玉觴絃歌奏新曲游響拂丹梁餘一作繁音赴迅

節慷慨時激揚獻酬紛交錯雅舞何鏘鏘羅纓  
從風飛長劒自低昂穆穆衆君子和合同樂康



孟津

良辰敬初節尚食初學記歡娛通天拂景雲  
俯臨四達衢羽翳浮象搏珍膳盈豆區清歌發  
妙曲樂正奏笙竽曜靈忽西邁炎燭繼望舒翊  
日浮黃河長驅旋鄴都

芙蓉池作

乘輦夜行遊逍遙步西園雙渠相溉灌嘉木繞  
通川卑枝拂羽蓋脩條摩蒼天驚風扶輪轂飛  
鳥翔我前丹霞夾明月華星出雲間上天垂光

彩五色一何鮮壽命非松喬誰能得神仙遨遊  
快心意保已終百年

於玄武陂作

兄弟共行遊驅車出西城野田廣開闢川渠互  
相經黍稷何鬱鬱流波激悲聲菱芡覆綠水芙  
蓉發丹榮柳垂重蔭綠向我池邊生乘渚望長  
洲群鳥譁譁鳴萍藻泛濫浮澹澹隨風傾忘憂  
共容與暢此千秋情

至廣陵於馬上作

黃初六年十月行幸廣陵故城臨江觀  
兵戍卒十餘萬旌旗蔽百里帝於馬上  
爲詩

曰

觀兵臨江水水流何湯湯戈矛成山林玄甲耀  
日光猛將懷暴怒膽氣正縱橫誰云江水廣一  
帶可以航不戰屈敵虜戢兵稱賢良古公宅岐  
邑實始剪殷商孟獻營虎牢鄭人懼稽顙克國  
務耕殖先零自破亡興農淮泗間築室都徐方  
量宜運權略六軍咸悅康豈如東山詩悠悠多  
憂傷

雜詩二首

漫漫秋夜長烈烈北風涼展轉不能寐披衣起

彷徨

藝文作伴

彷徨忽已久白露沾我裳俯視清水

波仰看明月光天漢回西流三五正縱橫草蟲

鳴何悲孤鴈獨南翔鬱鬱多悲思綿綿思故鄉

願飛安得翼欲濟河無梁向風長歎息斷絕我

中腸

西北有浮雲亭亭如車蓋惜哉時不遇適與飄  
風會吹我東南行行行至吳會吳會非我鄉安

得久留滯棄置勿復陳客子常畏人

於明津作

遙遙山上亭皎皎雲間屋遠望使心懷遊子戀

所生驅車出北門遙望河陽城

古辭長歌行與此詞後有六句

日凱風吹長棘天天枝葉傾黃鳥飛相追  
皎皎弄音聲竚立望西河泣下沾羅纓

清河作

方舟戲長水湛澹自浮沈絃歌發中流悲響有

餘音

一作悲風  
漂餘音

音聲入君懷悽愴傷人心心傷

安所念但願恩情深願爲晨風鳥雙飛翔北林

代劉勲妻王氏雜詩二首

王宋者平虜將軍劉勲妻也入門三十餘年  
後勲悅山陽司馬氏女以宋無子出之還于  
道中作詩二首

翩翩牀前帳張

一作可

以蔽光輝昔將爾同去今

將爾同歸緘藏篋笥裏當復何時披

誰言去婦薄去婦情更重千里不睡并况乃昔  
所奉遠望未爲遥踟躕不得竝

黎陽作

奉辭討罪遐征晨過黎山巉崢東濟黃河金營  
北觀故宅頓傾中有高樓亭亭荆棘繞蕃叢生  
南望果園青青霜露慘悽宵零彼桑梓兮傷情

寡婦

并序

友人阮元瑜早亡傷其妻孤寡爲作此詩

霜露紛兮交下木葉落兮淒淒候鴈唳兮雲中  
歸燕翩兮徘徊妾心感兮惆悵白日急兮西頽  
守長夜兮思君一作君思魂一夕兮九乖悵延佇兮  
仰視星月隨兮天迴徒引領兮人房獨自憐兮

孤棲願從君兮終沒愁何可兮久懷

飲馬長城窟行

浮舟橫大江討彼犯荆虜武將齊貫錐征人伐  
金鼓長戟十萬隊幽冀百石弩發機若雷電一  
發連四五

關

校獵

巾車出鄴宮校獵東橋津重且施密網罕畢飄  
如雲彎弓忽高馳一發連雙麋

關

見挽船士兄弟辭別詩



舍我故鄉客將適萬里道妻子聲衣袂落淚霑

懷抱

闕

魏文帝集卷之三

魏文帝曹丕子桓著

詔

定正朔詔

孔子稱行夏之時乘殷之輅服周之冕樂則韶  
舞此聖人集群代之美事爲後王制法也傳曰  
夏數爲得天朕承唐虞之美至於正朔當依虞  
夏故事若殊徽號異器械制禮樂易服色用牲  
幣自當隨土德之數每四時之季月服五十八

日臘以丑牲用白其飾節旄自當赤但節幡黃耳其餘郊祀天地饗會四時之服宜如漢制宗廟所服一如周禮

追崇孔子詔

昔仲尼資大聖之才懷帝王之器當衰周之末  
無受命之運在魯衛之朝教名乎洙泗之上悽  
悽焉遑遑焉欲屈已以存道累身以救世于時  
王公終莫能用之乃退考五代之禮脩素王之  
事因魯史而制春秋就太師而正雅頌俾千載  
之後莫不宗其文以述作仰其聖以成謀咨可  
謂命世之大聖億載之師表者也遭天下大亂  
百祀墮壞舊居之廟毀而不脩褒成之後絕而

莫繼闕里不聞講頌之聲四時不覩蒸嘗之位  
斯豈所謂崇禮報功盛德百世必祀者哉其以  
議郎孔羨爲宗聖侯邑百戶奉孔子祀令魯郡  
脩起舊廟置百戶吏卒以守衛之又於其外廣  
爲室屋以居學者

爲漢帝置守塚詔

朕承符運受終革命其敬事山陽公如舜之宗  
堯有始有卒轉之旣窹前群司奏處正朔欲使  
一皆從魏制意所不安其令山陽公於其國中  
正朔服色祭祀禮樂自如漢興又爲武昭宣明  
帝置守塚各三百家

總兵詔

孫權殘害民物朕以寇不可長故分命猛將三道並征今征東諸軍與權黨呂範等水戰則斬首四萬獲船萬艘大司馬據守濡須其所禽獲亦以萬數中軍征南攻圍江陵左將軍張郃等舳艫直渡擊其南渚賊赴水溺死者數千人又爲地道攻城城中外雀鼠不得出入此凡上肉耳而賊中癘氣疾病夾江塗地恐相染汚昔周武伐殷旋師孟津漢祖征隗囂還軍高平皆知

天時而度賊情也且成湯解三面之網天下歸  
仁今開江陵之圍以緩成死之禽且休力役罷  
省繇戍畜養士民咸使安息



災異見策三公詔

災異之作以譴元首而歸過股肱豈禹湯罪已  
之義乎其令百官各虔厥職後有天地之眚勿  
復劾三公

拜日東郊詔

漢氏不拜日於東郊而旦夕常於殿下東面拜  
日煩褻似家人之事非事天郊神之道也

禁母后預政詔

夫婦人與政亂之本也自今以後群臣不得奏  
事太后后族之家不得當輔政之任又不得橫  
受茅土之爵以此詔傳後世若有背違天下共  
誅之

改封諸王爲縣王詔

先王建國隨時而制漢祖增秦所置郡至光武  
以天下損耗并省郡縣以今比之益不及焉其  
改封諸王皆爲縣王

鵜鵠集靈芝池詔

此詩人所謂汗澤也曹詩刺恭公遠君子而近  
小人今豈有賢智之士處于下位者乎否則斯  
鳥何爲而至其博舉天下雋德茂才獨行君子  
以答曹人之刺

取士不限年詔

今之計考古之貢士也十室之邑必有忠信若  
限年然後取士是呂尚周晉不顯於前世也其  
令郡國所選勿拘老幼儒通經術吏達文法到  
皆試用有司糾故不以實者

輕刑詔

近之不綏何遠之懷今事多而民少上下相弊  
以文法百姓無所措其手足昔太山之哭者以  
焉苛政甚於猛虎吾備儒者之風服聖人之遺  
教豈可以目翫其辭行違其誠者哉廣議輕刑  
以惠百姓

平准詔

今與孫驃騎和通商旅當日月而至而百賈偷  
利喜賤其物平價又與其絹故官逆爲平准耳  
官豈少此物輩耶



禁復讎詔

喪亂以來兵革縱橫天下之人多相殘害者皆  
用橫殺腳商之兄張步害伏湛之子漢氏二祖  
下詔使不得相讎今兵戎始息宇內初定民之  
存者非流亡之孤則鋒刃之餘當相親愛養老  
喪幼自今以後宿有讎怨者皆不得相讎

禁淫祀詔

先王制禮所以昭孝事祖大則郊社其次宗廟  
三辰五行名山大川非此族也不在祀典叔世  
衰亂崇信巫史至乃宮殿之內戶牖之間無不  
承前甚矣其惑也自今其敢設非祀之祭巫祝  
之言皆以執左道論著於令典

罷墓祭詔

先帝躬履節儉遺詔省約子以述父爲孝臣以  
繫事爲忠古不墓祭皆設於廟高陵上殿屋皆  
毀壞車馬還廐衣服藏府以從先帝儉德之志

外國遣使奉獻詔

西戎卽叙氏羌來王詩書美之頃者西域並款  
塞內附其遣使者撫勞之

營壽陵詔

禮國君卽位爲禋存不忘亡也昔堯葬穀林通  
樹之禹葬會稽農不易畝故葬於山林則合乎  
山林封樹之制非上古也吾無取焉壽陵因山  
爲體無爲封樹無立寢殿造園邑通神道夫葬  
也者藏也欲人之不得見也骨無痛痒之知冢  
非棲神之宅禮不墓祭欲存亡之不黷也爲棺  
槨足以朽骨衣衾足以朽肉而已故吾營此丘  
墟不食之地欲使易代之後不知其處無施諸

炭無藏金銀銅鐵一以瓦器合古塗車芻靈之  
義棺但漆際會三過飯含無以珠玉無施珠襦  
玉匣諸愚俗所爲也季孫以璵璠歛孔子歷級  
而救之譬之暴骸中原宋公原葬君子謂華元  
樂莒不臣以爲棄君於惡漢文帝之不發霸陵  
無求也光武之掘原陵封樹也霸陵之完功在  
釋之原陵之掘罪在明帝是釋之忠以利君明  
帝愛以害親也忠臣孝子宜思仲尼丘明釋之  
之言鑒華元樂莒明帝之戒存於所以安君定

親使魂靈萬載無危斯則賢聖之忠孝矣自古  
及今未有不亡之國亦無不掘之墓也喪亂以  
來漢氏諸陵無不發掘至乃燒取玉匣金縷骸  
骨并盡是焚如之刑也豈不重痛哉禍由乎厚  
葬封樹桑霍爲我戒不亦明乎其皇后及貴人  
以下不隨王之國者有終沒皆葬澗西前又以  
表其處矣蓋舜葬蒼梧二妃不從延陵塋子遠  
在羸博魂而有靈無不之也一澗之間不足爲  
遠若違今詔妄有所變改造施吾爲戮尸地下

戮而重戮死而重死臣子爲蔑死君父不忠不  
孝使死者有知將不福汝其以此詔藏之宗廟  
副在尚書祕書三府



與群臣詔

南方龍眼荔枝寧比西國蒲萄石蜜乎酢且不  
如中國凡棗味莫若安邑御棗也

又

真定郡梨大若拳甘若蜜脆若凌可以解煩釋  
渴

又

前于闐王山習所上孔雀尾萬枚文彩五色以  
爲金根車蓋遙望曜人眼

又

新城孟太守道蜀肫羊雞鶩味皆淡故蜀人作  
食喜着飴蜜